

## فراقك صعب يا.. أمي..

فراقك صعب يا أمي

يا ساكنه جوه دمي

وحاسس يامه إني

من غيرك كإني

بقيت ف الدنيا لوحدني

ومحدث واخذ بيدي

ولسه مش قادر أصدق

إنك خلاص روحتي

وسبتيني وسافرتي

وماعدتش ها أشوفك

ولا ها أتملي بنورك

ولا ها أبوس ايدك

ولا ها أجيلك

وأنا شایل الهموم جوايا

وتايه وحيران

ومش عارف طريقي ولا خُطايا

ولا عارف أروح لمين

ولا ماشي رايح فين

وقلبي واجعني يا مايا

وها احكي لمين ؟

ومين هايسمع تنهيدتي

ولو صرخت !!..

مين هاي سمع صرختي..؟؟

يامه فراقك كسرنى

وشق قلبى نصين

نص معاكي

ومعايا النص الحزين

عائش بيه..

بس والله .. ما انا حاسس بيه

أصلى عمري ما كنت اتخيل

إني هعيش يوم من غيرك

أو إن يومك ..

هيجي قبل يومى

او إنك هتنامي  
ومش هاتقومي  
عشان تصلي الفجر  
ولا هسمع صوتك  
وانتي بتقري القرآن  
بصوتك الجميل  
ووشك زي البدر..

